

館陶縣志

第九册

館陶縣志卷之六

禮俗志

典禮 風俗

禮記司徒修六禮以節民性傳曰安上治民莫善於禮良以禮者履也謂因人所踐履定其法式大而冠婚喪祭小而視聽言動皆有節文以昭均一故古聖人化民成俗禮讓爲先周制春官典禮後世則以太常禮部等掌之三代之禮雖損益攸殊然要皆近情性通時變故孔子稱之曰百世可知魯爲秉禮之邦館邑家知禮遜習俗節儉流風善俗猶有存者則因時補救以禮防閑有關於民德民俗者至鉅也志禮俗

一典禮

前清治定制禮凡壇壝祠廟之設有通祀有專祀有方祀達於各省會郡邑下至鄉閭之間歲時伏臘順時應宜舉行弗替而春秋二仲釋奠釋菜祀孔典禮遵行尤虔其他先農耕藉救護講約鄉飲酒之禮歷任邑宰亦無不敬慎將事躬親稼穡以重民生申明鄉約以厚民德崇敬老禮以教孝悌恤孤義以教慈賢有司凜凜乎作則以身齊民以禮而邑民翕然化之蒸爲善俗固由民性質直俗近敦厚易於感應亦以良邑宰身教在先不專恃誥誡空文故風行草偃有不期然而然者第咸同以降兵變迭興而禮化攸替盜匪滋熾而刑禁乃嚴以政道民以刑齊民免而無恥誠不如道以德齊

以禮有恥而且格前清末年法制較詳而民心愈貳然則禮教不修而蘄圖民治庸有濟乎哉茲將舊制祀典禮儀敘述於左

(1) 關於祠廟者

一文廟 在城治東南正殿祀

先師孔子兩序列四配十哲兩廡祀七十二子及諸先儒歲春秋仲月上丁日致祭知縣奉祀佐幕教官陪祭分獻牲帛如制

祭器簠簋八百一十箇磁羹碗三箇磁爵五箇磁香爐四十箇白磁盆四箇磁酒海四箇錫羹碗一箇白酒盅一百箇

錫爵五十五箇木都臺二十對鐵香燭三箇

舊志今缺

大成殿祭

至聖先師孔子東配復聖顏子述聖子思子西配宗聖曾子亞聖
孟子東哲閔子損冉子雍端木賜仲子由卜子商有子若西
哲冉子耕宰子子冉子求言子偃顓孫子師朱子熹東廡先
賢澹臺子滅明等三十一位先儒穀梁子赤等十七位西廡
先賢宓子不齊等三十一位先儒左子邱明等十六位縣有
司歲以仲春仲秋上丁日釋奠屆期先三齋戒先一日率佐
貳官學官詣省牲所行省牲禮齋宿學宮厥明學官率闔學
諸生各執其事陳設酒尊先師一四配一十哲一爵先師四

配各位各三十哲兩廡每位各一登先師一盛太羹鉶先師
四配各二十哲各一盛和羹籩與豆先師各八籩盛形鹽藁
魚棗榛芡菱鹿脯豆盛菹韭菁芹笋醢醢鹿兔魚四配每位
籩豆各六盛如先師籩去榛芡菹豆去韭醢醢十哲每位兩
廡每四位籩豆各四盛如四配籩去魚菱菹豆去笋醢魚簋
與簋先師各二簋盛黍稷益盛稻粱四配十哲每位兩廡每
四位各一簋盛黍稷盛稷供籩左豆右筐先師四配每位十
哲每五位兩廡每廡各一每筐盛帛一段白色長一丈八尺
共用帛九段牲先師羊豕各一匣二盛置四配共羊豕各一
各分爲四木盤四盛置十哲每五位豕一分爲五兩廡每廡

豕一照位分爲段盛俱用木盤每祭用牲羊二豕六鹿一兔九其樂舞各止六佾陳設畢樂舞生就班嚴祭鼓獻官陪祭官分獻官各就位執事捧毛血盤瘞於坎遂啓牲匣蓋行迎神禮樂生舉麾唱樂秦咸和之曲獻官及陪祭官俱行拜禮畢樂止奠帛行初獻禮捧帛者各捧帛執爵者各執爵獻官詣盥洗所盥訖再詣酒尊所司尊者舉幕酌酒執事者各以爵受酒同捧帛者在獻官前分兩行由中門入向上立餘四爵四帛入序於神案之前獻官從左門入詣至聖先師神位前樂生舉麾唱樂奏寧和之曲獻官神位前跪捧帛者西向跪進於獻官右獻官受帛捧獻訖授執帛者執帛者跪接奠

於神前案上執爵者西向跪進爵於獻官右獻官受爵捧獻
訖授執爵者執爵者跪接奠於神前案上獻官俯伏興平身
詣讀祝位讀祝者跪取祝文退立於獻官之左獻官以下皆
跪樂止讀祝者跪讀祝文訖仍置香案上退立復奏前末終
之樂奏訖獻官以下俯伏興平身詣復聖顏子神位前獻官
奠帛獻爵俯伏興平身俱如先師儀次詣宗聖曾子述聖子
思亞聖孟子神位前俱如復聖儀此時分獻官於兩哲兩廡
一同行禮俱如前儀獻官由右門出復原拜位分獻官同樂
止行亞獻禮儀同初獻惟少奠帛讀祝樂生舉麾唱樂奏安
和之曲獻訖復位樂止行終獻禮儀同亞獻王生舉麾唱樂

奏景和之曲獻訖復位樂止飲福受酢獻官詣飲福受酢位
捧福酒者跪進獻官右獻官受酒飲訖捧福酒者接盞捧福
酢者跪進獻官右獻官受酢訖捧福酢者接酢由中門捧出
獻官以下俯伏興平身復原拜位行再拜禮畢徹饌樂生舉
麾唱樂奏咸和之曲執事各於神位前將案上籩豆敬移執
事者回原位行送神禮前樂已止樂生舉麾唱樂奏咸和之
曲獻官以下行拜禮畢樂止讀祝者捧祝進帛者捧帛由中
門出其餘以次由左右出分行獻官以下同詣望瘞所焚祝
帛訖復原拜位各一揖而退

二啓聖祠 在廟西南隅凡祭 先師前期行如制

清雍正元年奉旨改爲崇聖祠追封五代加木金父公爲肇
聖王祈父公爲裕聖王防叔公爲詒聖王伯夏公爲昌聖王
叔梁公爲啓聖王東配顏氏無繇孔氏鯉西配曾氏點孟孫
氏東廡周輔成程珦蔡元定西廡張迪朱松

以上
舊志

乾隆三年升有子於先哲卜子之次

道光二年春三月以明儒劉從周從祀文廟三年春正月以
湯斌從祀文廟五年春正月予明儒黃道周從祀文廟六年
予唐儒陸贄從祀文廟七年春二月以前明舉人孫奇逢從
祀文廟二十九年夏六月以宋儒謝良佐從祀文廟

咸豐元年春三月以宋臣李綱從祀文廟二年春二月以宋

臣韓琦從祀文廟七年春二月以先賢孔氏孟皮配享崇聖
祠先賢公孫僑從祀文廟八年冬十二月以宋儒陸秀夫從
祀文廟十年夏四月以明儒曹端從祀文廟

同治二年春三月以先儒毛亨明儒呂柟從祀文廟夏四月
禮部議定先賢先儒祀典位次頒發通遵五月以明臣方孝
孺從祀文廟七年秋七月以宋儒袁燮從祀文廟十年冬十
二月以先儒張履祥從祀文廟十三年冬十一月以先儒陸
世儀從祀文廟

光緒元年春正月以漢儒許慎從祀文廟二年秋七月以先
儒張伯行從祀文廟三年以漢儒劉德宋儒輔廣從祀文廟

十八年以宋儒游酢從祀文廟廿一年春二月以宋儒呂大臨從祀文廟

三十三年 至聖先師孔子升大祀三十四年秋九月以先

儒顧炎武王夫之黃宗羲從祀文廟 以上通志

三名宦祠 在戟門左祀(隋)劉仁恩魏德深(宋)劉筠宗澤

(元)溫仲謙李藻沈瑀張之綱(明)李伸李鈞侯居廣蔡琦

宋廣業朱廷楨韓高任塾徐燭楊朝楨趙申季王用霖(清)

程瑾錢鑽

四鄉賢祠 在戟門右祀(魏)王榮世(宋)張瓊王沿王鼎(

明)孫文義郎俛陳占劉衡武肅郭良馬懋耿明姚鉉耿如

杞耿章光姚運熙(清)耿願魯

五關帝廟

在縣十字街北

明正德八年重修坊一座楊師震建後基地一段東瓦房三間草房

一座門面房一間半山山西洪洞舉人李茂實於清順治三年損以供香火

清初加封三代添啟聖

歲祭三次

謹按關帝精忠大義亘古一人宋崇寧中封崇惠公旋加封武安王明萬歷中封協天護國忠義大帝清乾隆中詔

改本傳之壯繆為忠義迄今廟貌巍巍浩然正氣猶昭於兩大間也

六城隍廟

在縣治西北

舊有門廊正殿寢宮又官廳在寢宮東齋房在寢宮西明天順間知縣唐

楨建宰牲房在二門外西起敬坊在二門外階上萬歷二年知縣李冲奎重修二十年邑民樊希進李世周繼後又有秦

士進高遷捐資修之清順治七年李嘉春樊得仁等倡衆丹堊煥然改觀

每月朔望日知縣執香

帛謁拜神前

七八蜡廟 在北門外明孝宗初年令所在長吏羊一豕一於

春秋二仲月致祭遂為永例亦通祀也但古者於年終百穀

告成之後歲正一行後於冬季月上戊日一祭考伊耆氏始

為蜡周曰蠟 秦曰臘年終祭名禮蜡也者索也歲十二月合祭萬物

而索饗之也禮祀郊特性曰天子大蜡八鄭康成曰八蜡一

曰先嗇如神農 人類 二曰司嗇即后 稷 三曰農謂古之田畯 有功於民者 四曰郵

表謂田畯督約百姓於井 間之處有神故亦祭之 五曰貓虎謂其食野鼠 野獸以護苗 六曰坊

即隄 七曰水庸即溝 八曰昆蟲螟螣之類 其勿為害也

八漳神廟 在城西南四十里清雍正四年勅封為惠濟漳河

之神知縣趙知希設立牌位懸挂匾額每年春秋致祭行禮

如制

九忠義祠 在學宮旁每歲春秋兩祀祭忠孝節義之人自清

雍正四年始

十節孝祠 在城隍廟側每歲春秋兩祀祭烈女貞婦自清雍

正四年始

十一火神廟 在西門內街北

十二龍王廟 在北門外西有殿有門每求雨時祀之 久圮

十三馬神廟 在縣治東北隅每歲春秋仲月上戊日行祭禮 久圮

(2) 關於壇遺者

一社稷壇 在城西春秋仲月上戊日祭知縣奉祀牲帛祝號

俱如令甲今廢

二先農壇在邑東里許每歲仲春上亥日如社稷壇儀行耕

田禮今廢

三風雲雷雨山川壇 在城南春秋仲月上巳日祭以城隍附

知縣春祀如社稷禮久廢

四邑厲壇 在城北每歲清明中元下元三日祭先期移文城

隍主壇知縣奉祀久廢 以上舊志

民國革新三年禮制館以孔子之道非一言一行之美可以節惠定謚者比乃從最古之稱定爲孔子廟同年並定關帝與岳王合祀於武廟迨十七年國民政府統一之後鑒於民

德未進民治莫恢欲進民德尊孔明禮尤爲先務二十三年
八月本縣奉 省政府民字第六一五三號訓令轉奉 行
政院令以奉

國民政府令奉中央執行委員會函經議決八月二十七日
爲 先師孔子誕辰紀念日明令公布轉令飭知同月又奉
民政廳第六八零四號訓令轉發先師孔子誕辰紀念辦法
附紀念秩序單到縣茲將原辦法暨秩序單分別照錄於左

先師孔子誕辰紀念辦法

民國二十三年七月五日第四屆中
央執行委員會第一二八次常務會

議通
過

一 紀念日期八月二十七日

二 紀念日名稱先師孔子誕辰紀念

三 孔子事略先師孔子名丘字仲尼魯人幼年即志於學壯遊四方闡揚堯舜禹湯文武周公救世致治忠恕一貫之道晚年復刪詩書定禮樂贊周易修春秋垂法後世爲儒家之祖歷代尊爲師表孫中山先生亦每推崇不置 先師生於民國紀元前二四六二年（周靈王二十一年）辛於同紀元前二三九〇年（周敬王四十一年）年七十有三

四 紀念儀式是日休假一天全國各界一律懸旗誌慶各黨政軍警機關各學校各團體分別集會紀念并向各地高

級行政機關召開各界紀念大會

五宣傳要點 1. 講述孔子生平事畧 2. 講述孔子學說 3. 講述孫中山先生革命思想與孔子之關係 附先師孔子
誕辰紀念會秩序單

一全體肅立

二奏樂

三唱黨歌

四向黨國旗 總理遺像及 孔子遺像行三鞠躬禮

五主席恭讀 總理遺囑

六主席報告紀念 孔子之意義

七講演

八唱 孔子紀念歌

九奏樂

十禮成

二十四年二月木縣奉民政廳第一四九號訓令准山東省
政府教育廳函以奉 省政府交下 行政院訓令奉國民
政府令轉奉 中央執行委員會函據教育部呈擬製 先
師孔子紀念歌詞經議決通過檢送歌譜轉行抄發令遵並
轉飭通遵轉發原譜飭遵到縣茲將原譜照錄於左

孔子紀念歌

6 調 $\frac{4}{4}$ 拍子 莊嚴 1=90

5 | 1. 6 1 5 0 | (3 3 2 5 | 0. 3. 2 2 0 | 5. 1 2 5 |
 大 道 之 行 也 | 天 下 爲 公 | 選 賢 與 能 | 講 信 修 睦

5 5 1. 5 1. 2 3 0 | 1 5 1 3 2 0 5 | 5 1 5 3 2 |
 故 人 不 獨 親 其 親 | 不 獨 子 其 子 ; 使 老 有 所 終 壯

1. 3 2-3 2 3#4 | 5 6 7 5 | 2 7 6 7 1 2. 2 | 5 5 3 2 5 |
 有 所 用 。 | | | 幼 有 所 長

5 0 5 0 5 0 5 0 | 3#4 5 0 6 | 5#4 3 2- | 3 2 1 7- | 2 1 2 6- |
 矜 寡 孤 獨 | 廢 疾 者 , 皆 有 所 養

5. 1 5. 0 | 1. 2 3 0 | 5 0 6 5 6 7 1 6 | 5 0 2 2 1 2 3 |
 男 有 分 | 女 有 歸 | 貨 , 惡 其 棄 於 地 | 也 , 不 必 藏 於 已

5 0 6 5 6 7 1 6 | 5 0 5 1 3 | 5 5 1 5 | 1 2 3 0 3 2 |
 力 , 惡 其 不 出 於 身 | 也 , 不 爲 已 | 是 故 謀 閉 | 而 不 與 盜 竊

1 5. 1 2 3 0 | 2 2 2 2 3 2 0 | 2-3- | 2-1- |
 亂 賊 而 不 作 | 故 外 戶 而 不 閉 | 是 謂 | 大 同

二十四年三月本縣奉民政廳第九一七號訓令以奉 省
 政府交下 行政院令為中央秘書處函內政部議復柯璜
 呈請紀念四配十二哲及兩廡諸賢一案擬於紀念孔子時
 一併列入經常務委員批准照辦轉行飭遵轉飭遵照業經
 本縣縣政府及所屬機關一體遵照辦理 以上檔案 茲將孔廟從
 祀四配十二哲及東西廡先賢先儒依次列表於左

四配表

姓	名	字	籍	配 祀 年 次 備 考
復聖	顏子回	子淵	魯	漢永平十五年祀 魏正始七年配
宗聖	曾子參	子輿	魯南武城	唐總章元年配

東哲表

述聖孔子伋

子思

宋大觀二年從祀端平二年升哲咸淳三年配

亞聖孟子軻

子輿

鄒

宋元豐七年配

姓 名

字

籍

從祀年次

備

考

閔子損

子騫

魯

唐開元八年

冉子雍

仲弓

魯

唐開元八年

端木子賜

子貢

衛

唐開元八年

仲子由

子路

魯卞

唐開元八年

卜子商

子夏

衛

唐貞觀三十一年

有子若

子有

魯

唐開元八年

西哲表

姓	名	字	籍	從祀年	次備	考
冉子耕	伯牛		魯	唐開元八年		
宰子予	子我		魯	唐開元八年		
冉子求	子有		魯	唐開元八年		
言子偃	子游		吳	唐開元八年		
顓孫子師	子張		陳	唐開元八年		
朱子熹	元晦		宋婺源	宋淳祐元年從祀清 康熙十一年升哲		

東廡先賢表

姓	名	字	籍	從祀年	次備	考

公孫僑

子產

鄭

清咸豐七年

林放

子邱

魯

唐開元二十七年

原憲

子思

宋

唐開元二十七年

南宮适

子容

魯

唐開元二十七年

商瞿

子木

魯

漆雕開

子開

蔡

司馬耕

子牛

宋

梁魴

叔魚

齊

冉孺

子魯

魯

伯虔

子析

魯

左人郢

子行

魯

鄭國

子從

鄭

原元

子藉

魯

廉潔

子庸

衛

叔仲會

子期

晉

公西輿如

子上

魯

邽巽

子斂

魯

陳亢

子禽

陳

琴張

子開

衛

步叔乘

子車

齊

秦非	子之	魯		
顏噲	子聲	魯		
顏何	子冉	魯	清雍正二年	
縣璽父	子象	魯	清雍正二年	
牧皮				
樂正克		周		
萬章		齊		
周敦頤	茂叔	宋州道人	宋淳祐元年	
程顥	伯淳	南宋人	宋咸淳三年	
邵雍	堯夫	南宋人	宋咸淳三年	

西廡先賢表

姓	名	字	籍	從	禪	年	代	備	考
蘧	瑗	伯玉	衛	唐開元二十七年					
澹	臺滅明	子羽	魯武城						
宓	不齊	子賤	魯						
公	冶長	子長	齊						
公	皙哀	季次	齊						
高	柴	子羔	齊						
樊	須	子遲	魯						
商	澤	子季	魯						

奚容蒧

子皙

衛

顏祖

子襄

魯

句井疆

子疆

衛

秦祖

子南

秦

縣成

子橫

魯

公祖句茲

子之

魯

燕伋

子思

秦

樂欬

子聲

魯

狄黑

子皙

衛

孔忠

子蔑

孟皮

公西蒧	子尙	魯	
顏之僕	子叔	魯	
施之常	子恒	魯	
申棖	子周	魯	
左邱明		魯中 都人	唐貞觀二十一年
秦冉	子開	魯	唐開元二十一年
公明儀		魯武 城人	清咸豐二年
公都子		齊	清雍正二年
公孫丑		齊	清雍正二年
張載	子厚	宋鄆 縣人	宋淳祐元年

程頤

正叔

宋河
南人

宋淳祐元年

東廡先儒表

姓 名字 時代 籍貫 從祀年代 備考

公羊高 戰國 齊 唐貞觀二十一年

伏勝 子賤 秦 濟南

毛亨 漢 魯國 清同治二年

孔安國 子國 漢 孔子十一世孫

毛萇 長公 漢 趙

杜子春 漢 河南
緱氏

鄭玄 康成 漢 高密

李侗	願仲	宋	劍甫	明萬歷四十二年
胡安國	康侯	宋	崇安	明正統二年
尹焞	彥明	宋	洛人	清雍正二年
謝良佐	顯道	宋	上蔡	清道光二十九年
楊時	中立	宋	將樂	明弘治八年
韓琦	稚圭	宋	安陽	清咸豐二年
胡瑗	翼之	宋	海陵	明嘉靖九年
韓愈	退之	唐	南陽	宋元豐七年
王通	仲淹	隋	龍門	明嘉靖九年
諸葛亮	孔明	漢	南陽	清雍正二年

薛 宣	方孝孺	陳 皓	劉 因	王 柏	何 基	輔 廣	黃 幹	袁 燮	呂祖謙
德 溫	希 直	可 大	夢 吉	會 之	子 恭	漢 卿	直 卿	和 叔	伯 恭
明	明	元	元	宋	宋	宋	宋	宋	宋
河 津	寧 海	都 昌	容 城	金 華	金 華	慶 源	閩 縣	鄞 縣	婺 州
明隆慶五年	清同治二年						清雍正二年	清同治七年	明景定二年

張伯行	陸隴其	張履祥	文天祥	黃宗羲	孫奇逢	劉宗周	呂柟	羅欽順	胡居仁
孝先	稼書	考夫	宋瑞	太沖	啓泰	起東	仲木	允升	叔心
清	清		宋	明	明	明	明	明	明
蘭儀	平湖	桐城	廬陵	餘姚	容城	山陰	高陵	秦和	餘干
清光緒四年	清雍正二年	清同治十年	清道光二十三年		清道光八年	清道光二年	清同治二年	清雍正二年	明萬曆十二年

西廡先儒表

湯斌	潛庵	清	睢州	清道光三年	
顏元	習齋	清	博野	民國八年	

姓名	字	時代	籍貫	從祀年代	備考
穀梁赤	元始	戰國	魯	唐貞觀二十一年	
高堂生	伯秦	漢	魯	唐貞觀二十一年	
董仲舒		漢	廣川	元至順元年	
劉德		漢	封河間 獻王	清光緒三年	
后蒼	近君	漢	東海 人	明嘉靖九年	
許慎	叔重	漢	汝陵 南	清光緒二年	

趙岐	邠卿	漢	長陵	
范寧	武子	晉	鄆陵	唐貞觀二十一年
陸贄	敬輿	唐	嘉興	清道光六年
范仲淹	希文	宋	吳縣	清康熙五十四年
歐陽修	永叔	宋	廬陵	明嘉靖九年
司馬光	君實	宋	夏縣	宋咸淳三年
游酢	定夫	宋	建陽	
呂大臨	與叔	宋	藍田	清光緒二十一年
羅從彥	仲素	宋	劍南	明萬曆四十二年
李綱	伯紀	宋	邵武	清咸豐元年

張 軾

敬 夫

宋

綿 竹

宋 景 定 二 年

魏 九 淵

子 靜

宋

金 谿

明 嘉 靖 九 年

陳 淳

安 卿

宋

龍 谿

清 雍 正 二 年

真 德 秀

景 元

宋、

浦 城

明 正 統 二 年

蔡 沈

仲 默

宋

建 陽

明 正 統 二 年

魏 了 翁

華 父

宋

浦 江

清 雍 正 二 年

趙 復

仁 甫

宋

德 安

清 雍 正 二 年

金 履 祥

吉 甫

元

蘭 谿

清 雍 正 二 年

陸 秀 夫

君 實

宋

鹽 城

清 咸 豐 八 年

許 衡

仲 平

元

河 內

元 皇 慶 二 年

陸世儀	王夫之	黃道周	呂坤	王守仁	蔡清	陳獻章	曹端	許謙	吳澄
道威	而農	幼安	新五	伯安	介夫	公甫	月川	益之	幼清
明	明	明	明	明	明	明	明	元	元
太倉	衡陽	鎮海	寧陵	餘姚	晉江	新會	澠池	金華	崇仁
清光緒二年		清道光五年	清道光六年	明萬歷十二年	清雍正二年	明萬歷十二年	清咸豐十年	清雍正二年	明正統八年

顧炎武

寧人

明

崑山

李璘

嗣主

清

蠡縣

民國八年

謹按帝王祀孔自漢高以春秋仲子爲濫觴而春秋釋奠則始自北齊各州縣學以春秋仲子爲始自隋開皇間州縣立廟始自唐太宗迨玄宗間乃定祭期爲春秋仲月上丁至四配十二哲暨東西廡各先賢遠自漢永平間迺而逮於國中間如唐宋元明清諸代亦無不累頌明詔定各賢哲等皆於春秋仲月上丁隨同至聖先師孔子依次致祭典禮至隆至渥也今既東西廡先賢先儒均於紀念孔子時國府明令正殿配哲既東西廡先賢先儒均於紀念孔子時一併紀念尊禮古聖昔賢即所以振儒教而昌文化民德日進民智日新民族主義自日發揮光大寧獨館邑人好儒學起人文蔚也哉

二風俗

隋書載館陶人好儒學性質直懷義有古之風烈一統志稱

習俗節儉家知禮遜通志稱士習詩書尙禮義民樸實無浮華蓋地接齊魯居隣燕趙河流貫其中得山川鬱勃之氣其蔚而成俗者頗有陶唐氏之遺風炎漢而後一淪於北魏李唐而後再淪於遼金雖異族同居而歷來敦厚之風與淳良之俗不稍改徵諸冠婚喪祭與尋常晉接周旋之禮具見風承乎古俗不徇人由此而道之以政施之以教順其性而破其塞人自易從縱有不良習慣亦不難漸次改革茲將風俗列述如左

1 關於冠禮者

冠禮久廢惟人當親迎時沿途拜客必持名刺用紅單帖

帖上寫新郎某人拜有嫌新郎二字不宜施之普通親友者則寫新冠某人拜未完婚以前稱名不稱字既完婚後人漸以字稱之且其尊屬必誠之曰爾既娶妻即已成人行事總要整莊不可再作孩子氣似古加冠之訓詞是冠禮帶行於完婚時矣

2 關於婚禮者

凡男女結婚必由媒人作合先向男家說明女子年庚又其家教容儀並女紅之大概男家不拒再向女家說明男子之年庚學何營業及其性質並家計若何兩家先按男女命宮看其合婚與否合則各向親友處打聽隨後媒人

又先向男家問同意否次再徵求女家之同意先由男家書具簡單求婚柬名曰小帖由媒人持向女家代爲訂婚此次如不得女家應允不妨將小帖帶回如得女家之許婚帖男家不得中變所謂羞男不羞女也然後再由兩家各書具正式婚書男家書明男子之籍貫三代年庚命名女家書明女子之籍貫三代年庚命名擇定吉期先向女家下婚書書外備具彩綢與金銀首飾作爲聘禮女家則設備酒席招待媒人越日即向男家下回書書外備具文房四寶與經書科學書各一部作爲回禮男家更潔治豆觴以待媒人此時媒人至少亦須四位或六位所

謂三媒六證也聘禮回禮按家計之豐嗇爲厚薄男家有
只用銀飾四事女家僅報一書卷者有併其銀飾書卷而
亦無之者並有只換小帖不用正式婚書或正式婚書俟
親迎前一日通道路時始互換者邑之東北部往往用媒
婆說媒媒成後兩家各給以勞金二元至四元不等名爲
折酒席錢童年結婚俗名娃娃媒嘗遲至一二年始經說
就媒人凡題一媒男女兩家皆十分鄭重故弊端絕少惟
年歲女大男小中產以上之家皆然其人丁少者之家甚
有大至八九歲者此風宜早革除

男女旣長男家尊屬邀請女家尊屬相會爲其子女擇吉

完婚女家尊屬多不親到則將女之生辰八字開去靜候吉期親迎前一日由男家備具食盒內裝肉品喜餽等項務求豐潔差送女家名爲通道路並帶家禽一隻以代奠雁之禮親迎時如女家設備酒饌則於黎明時前往路愈遠則起身愈蚤如不設饌則於蚤餐以後去預先延請通達鄉禮者二人一同前往名爲陪客所有應行之禮節皆由陪客指教新郎到門先投御輪生帖附帶陪客之各片達於主家主家出迎先以下馬蓋接新郎下馬或下車同陪客立於右主人已立於左相向三揖而入登堂坐定未久由陪客催備香案主家引新郎赴祠堂朝祖行三跪九

叩首禮近有改行三鞠躬者朝祖既畢稍歇卽設饌飯後
主家爲新郎插花被紅如不設饌亦往往免去朝祖一節
俟新娘梳妝完備後引新郎入內院求親在院之左側向
上恭行一揖近多改用一鞠躬禮然後新娘上轎新郎升
輿鼓樂儀仗前遵一同歸家女家送女請女眷中明禮又
命好者二人任之乘車先行送女男客二人或四人再多
亦須雙數隨鄉俗之宜定人數之多寡乘車緊跟花轎花
轎到門其家已在院中設備香案上供全神單迎花轎進
門由男家中年以上婦女或由女家送女之男客扶持新
娘下轎與新郎同拜華堂俗有案上設斗插羽箭三隻者

箭矢也取永矢無他之意此俗尙非通行拜堂後由平輩女眷或爲小郎者用小稱桿挑去新娘蒙首地鋪紅氈漫行引入洞房送女客隨後賀喜飯罷謁內長親赴新娘室先向新娘一揖以女旣于歸內家已成外人故一揖而坐向內長親謙述一切囑對新婦嚴加教誨送女之男女客各命駕而歸至夕新郎入洞房與新娘合盃俗名圓房次蚤新娘始換婦裝由夫家女眷導入中堂先向祖先行禮次向內外男女尊屬行禮按輩次之尊卑爲先後蚤飯旣畢赴母家歸寧新郎同去名爲回門新郎乃向岳家尊屬行禮日昃而歸次後接六天送九天至十二天女家內外

男女尊屬親屬備禮前來名爲圓飯所謂六天九天十二天不必滿此天數但擇雙日名爲六天九天十二天而已既過十二天婚禮纔算終結

小戶人家結婚無以上所述之繁禮不親迎亦無鼓樂僅抬一頂轎去俗名乾打轎新郎在家等候俟花轎到來新郎先在神案前磕頭新娘下轎亦磕頭名爲拜天地小戶人家之夫婦多係男大女小或男女已經訂婚女年尙未及笄而女家貧寒無力贍養則送歸夫家作童養媳俟及笄後再成婚如遇慈善婆娘亦與閨女一般看待人或少年喪妻續絃時與初婚之禮節大致相仿中年後續絃其

禮稍殺如娶再醮之婦不用轎只用車接來當未下車時環車點放爆鞭意在驚鬼恐其前夫跟來也至用新式禮成婚者普通人家尙少更少自由結婚之事

3 關於喪禮者

人當尊屬易簣時候其氣息極微萬無一生一面呼喚一面將殮衣鋪於床上由其子姪婦女移親於床將衣穿上此時男婦雖慟尙須忍淚哭不出聲俟安置妥當氣息已絕乃燒畫就之倒頭馬與紙錢全家舉哀其含用制錢或用二角銀錢用玉者絕少以普通人家不易得也遣伴訃告親友已嫁之女或孫女各向其夫家尊屬討孝因已嫁

則降服情有不忍討孝於夫家尊屬乃得服正服次日夜
靜時全家男女與親戚之晚輩者各持香齊赴十字路口
燒紙名爲送盤纏去時不哭回時哭於雙日入殮亦必俟
夜靜或黎明時親屍在床用衾蒙首及足前又豎以隱身
草無衾則用粉連紙將親面蒙住恐人看見生厭惡之心
在床多首向西取幽陰之義旣棺殮則首向南取反陰爲
陽之義若殷實之家待日葬親則遵制於四日成服若不
久待則於歸窆日成服歸窆日之前孝子必請尊長熟諳
鄉俗者爲主辦如古之護喪又請明於禮意者商同主辦
規定一切禮文如古之相到期則設統計處禮節處內賬

房等分任其責孝子亦須聽其處置若非殷實之家則事從簡所論喪事稱家之有無也點主一節必請人爲之事簡者則由禮相代之主字頭上之一點必用紅筆紅取吉又屬陽亦不忍死其親之義主下方必寫奉祀人有長子則長子奉祀無長子則長孫奉祀若無長孫與長曾孫方可次子奉祀重大宗也邑之北部與東北部多不延僧道誦經南部與西南部此風暢行安葬旣歸孝子於鄉鄰踵門謝孝於賻奠之親友當時僅謝以帖不再登門叩謝殯後燒紙日期三七五七盡七百日再後則一週三週過三週則從吉矣

中產以下之家親歿三天出殯不書主不請禮相不用音樂再貧無力備棺輒由鄉鄰攤款爲具薄樸孝子稽顙叩謝而已

4 關於祭禮者

親歿發引之前凡對於亡者有所動作則祭而告之如成服開喪成主皆有祭禮節甚簡是日主祭者上食爲堂祭具三牲行三獻禮禮節稍繁凡中產以上之家發喪皆行之用五牲祭者須有爵位者之家乃行之將發引時祖餞有祭遣奠有祭到墳安葬封墓皆有祭封墓後孝子歸家有虞祭此禮尙非通行本邑有祠堂者絕少有則四時亦

不致祭親歿之一週三週以及十週爲墓祭之期凡墓祭皆舉哀情不能禁也有望墓迎神在堂設祭者如歸窆時堂祭之禮但不舉哀人對於先人之墓無不重視惟墓祭之禮亦須豐富之家行之其餘不過自奠供品哭於墓前而已

5 關於令節者

夏曆正月初一爲元旦先一日設全神位於天井設祖先位於中堂門貼春聯巷懸路燈家長分錢於子女以及僱工名爲待歲錢至子時以後男女齊起在神前先祖前燒香上供供獻花糕隨後焚紙燃放爆鞭闔家先在神前行

禮次向先祖前行禮然後再按尊卑挨次卑者向尊者行禮名爲拜年拜罷餐飯飯用水角子一品亦係先一天預備者餐飯後先向族中尊長處拜年次向街坊拜年至天明方休元旦終日歇息次日歷向親戚處拜年車馬交錯於路歷四五日乃已十五日爲元宵節於太陽未落時家家設燈盞多用黍糶蒸就亦有用陶製者晚飯後人集街市燃花如火樹放起火光射六七里自此以後農事方興新年乃算過去二月初一爲中和節傍晚在門外寬闊處用柴灰撒作圓形內置糧實少計候黎明點紙炮於其中名爲打困說越打越發事近迷信尙非通行三月初三爲

上巳辰俗無修禊之事清明前一日家家上墳燒紙五月初五爲端陽節門傍插艾美饌一天有饋角黍者七夕人家小女子各向其父母索錢湊集一處買葱買肉包水角子內置織梭布杵刀尺鍼剪等項俱用假的供獻織女乞巧供罷分食食得鍼剪者則喜食得搗布杵者則嗔兒女子之態可博一噱七月十五亦家家上墳燒紙八月十五爲中秋節全邑通行較端陽節爲盛中餐必具美食數品俟月上時獻月餅供月節後至戚具食物問候如拜年者但不行禮九月九爲重陽節有約集友朋在一處飲酒者但不通行十月朔日又家家上墳燒紙十二月初八用黍

米攪棗羹粥名爲臘八粥慈善之家有備粥數筒應付討飯者之乞求更分給鄉鄰之無力煮粥者二十三日晚祀竈自是家家置備度年物品在廚房工作終日無暇晷至除夕方休

6 關於交際者

人家有喜慶事親友街隣相率賀喜主家如家道殷實則備筵請客賀喜者預送紅綾帳或紅紙聯幅婚事用慶賀詞壽事用頌祝詞請客筵席以豐潔爲貴中產以下之家無賀壽誕者或男女完婚力不足以讌客街隣亦必往賀但不送喜儀鄰里有喪男女皆往弔殯期由喪家具帖懇

求襄事名爲職客無不樂効奔走者孝子逢人則稽顙亦不周旋以語言現下一二三各區過紅白事由區部領牌斷絕烟酒其他亦有不斷酒只斷烟者烟爲消耗品酒足悞人事此風可漸漸推行

人有急公好義或對於教育有功或醫家能活多人不圖利者親友輒爲之送匾或送碑受之者訂期酬客酒席務求豐美其有不豐美者必係家道不豐於人又有特別恩感人亦不責其招待之薄

親友彼此探問必具鄉下所有之食品受之者留飯話契關之情盡歡而散中年以上之婦道彼此探問亦然少年

婦女無輕出者

村莊演戲家家招待親友預備酒席花費不貲觀友亦各助以食物名爲隨禮小戶人家從簡看戲者終繹於道如歸市然舞臺高搭蓆棚臺前可容二三千人係男子看戲處兩傍亦有蓆棚係婦女看戲處鄉村禁止不正當之戲所演皆足範圍人心

7 關於生計者

春天農事已興男子赴田間作苦女子在家做飯耕地耘地時田間無婦女蹤跡麥熟刈麥男子先往女子隨後行饑到地亦幫同刈麥血汗不恤貧家婦女成羣結夥奔走

田間拾麥秋天拾穀者尙少棉花開放時業主必覓人拾花極貧次貧之農婦皆應呼而至每地不一數十人拾花所得之錢可補助衣食之資衣則以布爲主多自織者食則以穀米爲主麥不常食以麥貴於穀也野菜充食品者正多貧婦尋菜而食以爲常不能安貧之農婦百無一二惟纏足之風仍未革除

16 關於稱呼者

子女呼父爲爹呼母爲娘呼祖父爲爺爺父本爲爺故呼祖父爲爺爺呼祖母爲奶奶呼曾祖父母則又加以老字媳對夫家之尊長隨其夫之稱而稱之呼兄爲哥呼兄妻

爲嫂呼伯爲大爺伯母爲大娘呼叔父爲叔叔母爲嬸夫
婦口頭無稱呼有稱以字者尙不適行於鄉間呼外祖爲
老爺外祖母爲老娘舅父爲舅舅母爲妯呼岳父岳母則
以大爺大娘稱之翁婿年歲相等者則以叔稱之鄉親皆
論輩次僱工有戚誼者論戚誼無戚誼者家長對僱工呼
名僱工對家長或伯之或叔之或兄之視年歲爲定衡無
貧富階級亦無主僕名分故相交以誠

館陶縣志卷之七

宗教志

釋教

道教

基督教

中庸言天命之謂性率性之謂道修道之謂教易言一陰一陽之謂道又曰先天而天弗違後天而奉天時孔子之立四教也教人以學文修行而存忠信又曰五道一以貫之孟子言所以教者五而道性善也則曰夫道一而已矣中華向爲聖人明道敷教之邦號古文明國原無所謂宗教之異同也自世界各國倡立宗教歐洲中世紀時政教混合羅馬教皇權且駕乎各國帝王之上迨西元一八七零年意大利建新王國教權始與政權分離以逮近世物質文明競進而神學思想自退然亦無不

有宗教以維繫一般國民之心理基督教且徧及於世界中國儒教外釋道二教且已流行最久易之言曰聖人以神道設教而天下服各國之立有宗教嚴申誠約使人崇拜信仰相與悔罪而遷善不可謂無裨於世道人心也館邑人好儒學士習詩書好善者多殆亦深明乎敬鬼神而遠之之意義然由來習尙所奉者爲多神教與各國專事一神者固自有別惟民國革新後破除迷信大多數國民心理因受各科學新智識之灌輸神學自消滅於無形而約法明定人民信教自由良以近代潮流民族勃興親疏一體中外一家西哲有言五百年後孔教徧行於全球則今日基督教之徧及各國亦世界大同之肇端也志

宗教

本邑除人奉儒教外舊有釋教及道教信從茲分述於左

一釋教

亦稱佛教

佛教始於釋迦牟尼亦稱釋迦文佛周靈王十五年生於天

竺國

即印度

釋迦其姓牟尼名也釋迦之義爲能仁牟尼之義

爲寂默故號稱仁王亦曰法王佛以悲智濟渡衆生其教以

明心見性爲宗自漢明帝時入中國凡崇信釋氏出家受戒

者皆稱釋子

亦曰佛子

通名曰僧唐文宗開成中立左右街僧錄

明時置僧錄司掌佛教清因之民國革新約法明定人民有

信教自由權佛教信徒日有加增館邑崇信佛教者僧衆約

六十餘人二十四年春南館陶鎮並成立佛教分會一處公
 舉吳鳳巢為會長將來對於佛教之平等利生三根普被破
 除迷惑悟證真常之妙諦當日見發揮而光大也茲將全境
 舊有寺院列表如左

館陶縣舊有寺宇一覽表

名稱所在	地備
寶應寺 在縣治西南隅	<p>金時建僧信智重修遭元兵燹毀明洪武十七年僧子成復建永樂間僧覺威性保擴葺巍然巨觀景泰辛未繼葺之弘治辛酉僧翠峯祖漢重修邑人耿明記崇禎九年邑人孫繼安軒三傑募建後殿兩廊抱廈又令僧福祥性悲慶安福榮請南京水陸大會佛像百二十幅繪畫工嚴他寺罕有清順治十年知縣劉茂先捐資倡邑人張邦治軒三傑僧慶寅增建後殿天棚舊傳建寺時出一石匣內有古銅磬一口佛像十幅飛去二幅知縣張星禮請二幅去餘與馨俱存今已圯</p>

準提庵 在縣治西北

清順治間主簿楊振倡募建

觀音祠 在縣十字街西

明萬歷十五年知縣陳景重修（又一在東關村西）

興龍寺 在城西北八里丁

原名清涼寺明成化十三年建清康熙南巡駐蹕於此改名興龍寺

興華寺 在城西十二里許

石佛寺 在城東北十五里

觀音堂 在城東北十五里

南海大士廟 在城東北八里

興福寺 在城西南十八里

奉泉寺 在城東二十里路

洪恩寺 在城西二十二里

福勝寺 在城西二十五里

洪福寺 在城東北二十五里

千佛堂 在城東北二十五里

佛堂寺 在城西南三十里

寶應寺 在城西南三十里

彌院寺 在城西南三十里

廣福寺 在城東北三十五里

白佛寺 在城西南三十五里

洪濟寺 在城西南四十里

圓覺寺 在城東四十里路

清順治五年邑人燕邦恒重修貢生汪鳳翔有記

元大定元年建

舊傳宋太祖避兵於此寺內有和尚百名其名皆鑄於鐘上今鐘猶存姓名皆可考

柏園寺 在城西南四十五里姜浩村西

觀音堂 在城南四十五里韓安隄村南

崇興寺 在城南四十五里南彥寺村

國通寺 在城西南五十里甯陽堡

觀音堂 在城西南五十里遷隄村

吉固巷寺 在城西南六十里吉固巷村

龍泉寺 在城西南六十里拐渠村

明泰和四年避今改建拐渠小學

二道教

自老子著道德經五千餘言遂為道家之祖老子姓李氏名耳字伯陽諡曰聃故亦稱老聃嘗為周守藏室之史孔子適

周問禮於老子其教以修心鍊性爲宗嘗曰聖人抱一爲天下式又曰知其白守其黑爲天下式爲天下式常德不忒復歸於無極知其雄守其雌爲天下谿爲天下谿常德不離復歸於嬰兒知其榮守其辱爲天下谷爲天下谷常德乃足復歸於樸是其教旨主於清淨以守眞一後世奉其教者皆曰道士此道士名始於東漢張道陵于吉等凡入道者必受籙明時置道錄司掌道教清因之道光年間京城分設僧官道官僧官兼善世等銜道官兼正一等銜外至各縣設道會司掌縣屬道教之事有不恪守戒律清規者聽其究治故凡虔奉道教者皆清虛以自守卑弱以自持方合於道教守眞一

之宗旨也故老子又有曰玄之又玄衆妙之門其妙諦殆非盡可以言宣也館邑崇信道教者合計道士六十一人茲將全鏡舊有道觀神廟列表如左

館陶縣舊有道觀廟一覽表

名	稱	所	在	地	備	考
東嶽天齊廟		在城東門外			有石坊一座明天順邑進士郭良建	
碧霞元君祠		在東嶽廟東			明萬歷二年建	
三官廟		在北門內街西			明萬歷間知縣章元衡有記樊自新率衆同修	
北極廟		在北關外				
真武廟		一在城西 一在北門外			明萬歷辛亥邑人高思孝等建 清康熙間高選重修	

大廟王 在城北里許喬家莊村中

孚應通利王廟 在城西二里 久為河所湮有碑文

關帝廟 在城東南五里耿家屯村東

關帝廟 在城東北十里青石窰村內 明隆慶五年五月十三日衛河決口有一木雕聖像高四尺餘騎一青石窰上被石鞍漂流至此因以名村其窰現在

真武廟 在城東北十里拳廠村東路北

娘娘廟 在城東北十五里東煙店村西北

泰山行宮 在城南十五里楊召村

五聖廟 全右

關帝廟 在城東北十八里許張寨村

關帝廟 在城西南十八里羅家渡村東

關帝廟 在城南十九里後

呂祖廟 全右

奶奶廟 在城東北二十五里王家集村東二十五

真武廟 在城東北三十五里楊二莊村東十五

泰山行宮 在城南三十五里太平街村南十五

玉皇廟 在城南三十六里隄村內

關帝廟 在城西南四十五里姜沿村西四十五

關帝廟 在城西南六十里拐渠村南六十里

玉皇廟 在城西南六十五里平莊村西六十五

土地廟 在城西南四十五里許要莊村東 舊傳最有靈驗

謹按館邑人好儒學士習詩書良以孔子之道上承堯舜
 禹湯文武周公諸聖人肩荷精一執中十六字之聖明天子以
 下開來學貫之旨述聖子思子以中者後也者明天下
 忠恕明一貫之旨述聖子思子以中者後也者明天下
 之大本與天之下達道亞聖孟子又性善之說明堯舜
 之與人同是儒教之宗旨不外於存心養性以事天衡諸
 佛以真法明心見性修戒定慧三學融俗真中三諦以歸
 於以真法明心見性修戒定慧三學融俗真中三諦以歸
 理三以存復於一元太始教不同而所以教者無不致中蓋
 儒教以存復於一元太始教不同而所以教者無不致中蓋
 和要不外本誠盡性以至於命道以修心鍊性為宗
 其功密於存無守誠盡性以至於命道以修心鍊性為宗
 還心極以近於常樂我淨亦無非本為一如當寂而無緣
 大悲其行圓於常樂我淨亦無非本為一如當寂而無緣
 先哲有言孔子曰先聖後聖制用不違也三教一原出於天
 奉行孟子亦曰先聖後聖制用不違也三教一原出於天
 天即理也三教之理同而其教則異者則踐履而納於世間
 法佛即說為出世間法一則教人敦踐履而納於世間
 之中則教人奉釋道二教者亦輪迴之外也信徒正所謂
 皆尊行儒教而奉釋道二教者亦輪迴之外也信徒正所謂

相得益彰初不必存門戶之見也况今日者環球咫尺四海一家人不以中外限教亦不以國界分人民既信教自由則邑人所崇奉者儒教而外又豈止釋道二教也哉

三 基督教

基督即基利斯督之畧稱其義爲救世主此教以猶太人耶穌爲教祖耶穌生當我國漢哀帝建平三年當時猶太教徒期望基督降生救援其人耶穌降世後毅然以基督自信改革猶太教宣傳福音教旨在於博愛教人懺悔罪惡上昇天國以新舊約全書爲經典在西元十一世紀分爲天主教希臘教至十六世紀更由天主教而分新舊兩派我國稱新派爲耶穌教舊派爲天主教其最初傳入中國者爲唐時之景

教繼為明時之耶穌會皆屬舊派自前清中葉後新派始傳入中國館邑境內光緒年間舊教先經傳入嗣新教亦漸及全境茲將邑人先後信奉新舊教之情形列述於左

(一)天主教亦稱舊教

天主教自清光緒二十年間傳入境內以逮三十四年先後設立教堂三處陸續奉教者有百五十餘名之多茲列表如左

館陶縣天主教教堂所在地及教民一覽表鄉上志

教堂所在地	教堂名稱	教民住所	教民戶數	備考
-------	------	------	------	----

第

郭莊村

華式天主教堂一處

郭莊村

八家

第 八								區 五	
李井寨	史姚莊	北拐渠	南拐渠	後窰堡	前甯堡	房兒寨	澹演村	柴莊	西孔堡
無	無	無	無	無	無	無	華式天主教堂一處	無	無
李井寨	史姚莊	北拐渠	南拐渠	後窰堡	前甯堡	房兒寨	澹演村	柴莊	西孔堡
三	三	八	二七	六	七	六	三三	一	二

合 計	區 二 第		區 三 第	區 六 第	區		
	大羅堡村	大章保村	西二莊村	劉堡村	西河寨村	羅徘徊頭村	張井寨
三處	無	無	無	無	華式 天主教堂一處	無	無
	大羅堡村	大章保村	西二莊村	劉堡村	西河寨村	羅徘徊頭村	張井寨
一五三家	一	一	二	一	二五	一六	四

(2) 耶穌教(即基督亦稱新教)

前清宣統二年四月有美國基督教通聖會牧師陶純嘏德維復等在南館陶鎮河西大街創立基督教通聖會凡信仰耶教者皆得入會是爲耶教傳入本境之濫觴

民國紀元二年會內成立培德男女小學凡信奉教徒之男女及其兒童女子皆得入學肄業迨十六年基督教通聖會由南館陶鎮前街移於馬路北新建之大禮拜堂一切房舍煥然聿新信教者亦日見加增十八年又在該鎮添建福音醫院診治病者該會善舉頗多教務益形發展茲將基督教通聖會在全境所立分堂及信教人數列表

如左

館陶縣基督教教堂所在地暨信教人數一覽表

探訪冊

教堂所在地 教堂名稱 信教人數 備 考

縣城內東街 基督教教堂一處 三〇名

第五區徐村 基督教教堂一處 六〇

第六區淺口鎮 基督教教堂一處 三〇〇

同區柴家堡 基督教教堂一處 四〇

第七區南館陶鎮 基督教教堂一處
清宣統二年創立民國十六年遷移馬路北新大禮拜堂一切房舍煥然改觀

同區辛莊 基督教教堂一處 五〇

第八區房兒寨 基督教教堂一處 一〇〇

同區李家橋 基督教教堂一處

三〇

合計 八處 七一〇名

謹按基督教旨主於博愛與儒教之博施濟衆上佛天之慈
 悲普濟正相默契其教人崇奉上帝懺悔罪惡上昇天國
 亦與孔子所謂獲罪於天無所禱也佛家所言三世因果
 六道輪回道家所言善惡之報捷於影響理亦暗合至基
 督以救世自任捨身救人與先總理所言救國之道在於
 救民救世之要莫先自救其具革命大無畏之精神亦儼
 有同符是知世變日亟乃時勢所趨科學今日新亦文明進
 化而所謂一真不變破至善常昭中外相同今古如一之本
 來靈性則舉世同尊永劫不滅即儒教所謂一心湛然守萬
 物皆備佛教所謂不二法門一法如道所謂一心抱元守萬
 一無爲而治與基督教專奉一萬靈真宰之上帝以昇發
 世界民族本然之善心而獨除其後來之惡念以同昇天
 國殆先後有同揆也孔教之徧行全球與基督教之及於
 世界合之佛教諸天奉行皆所以正人心而全天理撥亂
 世而反邇治聖人作而萬物觀一人良而萬邦貞世界大
 同皆於聖道一貫卜之也萬物觀一人良而萬邦貞世界大

聖習禮戒奢自由信佛自由信道自由信耶以各以改惡
遷善為旨歸一里之仁即一邑之光一邑之讓斯一國之
光其機甚微其效匪細所願有長民之責者因勢利導
躬率屬教成俗美聖道聿昌民福國利甯有既耶

其他如田教等本邑向無奉是教者茲不錄

館陶縣志卷之八

職官志

官牒

政績

鄉宦

國家設官分職以爲民也雖文武各異其材祿秩各殊其等而
既分任官職即以各矢忠國愛民之志奏捍外衛內之功乃爲
克盡厥職惟其實不惟其名書言建官惟賢位事惟能又曰官
不必備惟其人孔子之告哀公也亦曰人道敏政有治人乃有
治法凡事得人則理失人則廢況於親民之官一言一行息息
與民利害相關邑有賢宰則一邑相安苟非其人則民受其殃
縣宰之關於邑民休戚者既如是其重且鉅而伊古以來號稱
循良者則如鳳毛麟角之不可多覩是非盡官制之不良乃任

官者知人不審故能吏尙不少概見而循吏則甚難得其選也館邑自有明以迄清末歷五百七十餘年宰是邑者不下千百餘任求其憂樂同民允堪爲民父母迄今遺愛在人史不絕書者尙不及三十人焉甚矣循吏之難也民國革新高等普通文官須經考試及格然後任官授職其有違法溺職者又明定懲戒法以儆官邪則庶乎長民者鮮有失德而民衆不至受殃國家亦不至有敗亡之虞是皆於職官得人卜之已志職官

一官牒

茲將本縣歷代正佐各官姓名列表於左

歷代職官表 錄通志舊志鄉土志

成
衡
化
心

令尹尉
州刺史
知縣主簿
縣主簿

典史教諭訓導

魏 年次失考

諸葛原 為館陶令

晉 年次失考

周雅 為館陶令

隋 開皇元年

魏德深 鉅鹿人由貴鄉長轉任有傳

劉仁恩 毛州刺史有傳

韋壽 京兆杜陵人毛州刺史有傳

九年

唐 武德五年

趙元愷 毛州刺史

宋 乾德元年

奚 嶼 知館陶縣

端拱元年

查 道 安徽休寧人任縣尉 有傳

真宗朝

劉 筠 大名進士 任館陶尉 有傳

劉 牧 兩浙臨安人任知縣 善治盜

仁宗朝

郭 諮 趙州人任知縣 善治兵械

哲宗朝

宗 澤 兩浙義烏人任縣尉 有傳

徽宗朝

陳過庭 山陰人 任主簿 有傳

金

中 皇統

孔

淵 宜聖四十
知縣八代孫任

中 大定

王廷筠

任河東人
有傳

元

至元
年十一

旭世篤暖

任達
齊嚕噶

劉 著

任縣尹

張之綱

本籍由簿
陸尹有傳

溫仲謙

任縣尹有
傳

欣 都

任達嚕噶
齊

陳起宗

籍貫失
考

吳榮祖

任達嚕噶
齊

杜承祖

籍貫失
考

順帝朝

發皮

任達嚙鳴齊

趙晉

任縣尹

李藻

潁川人任縣尹有傳

沈瑀

任縣尹有傳

明

洪武二年

傅信之

任知縣有傳

歐陽源

任縣丞

李儼

監生管河主簿

焦新

陳留人

永樂年

謝志英

王

翔 泰和貢生

溫良

陽曲人有傳

宣德年	正統年	景泰五年	天順八年	成化九年	十五年	十九年
施友安 <small>慈溪人</small>	袁範 <small>泰和監生 知館陶縣 蒞政有聲</small>	邢政 <small>濰州監生 興學愛民 多所創建</small>	唐禎 <small>金州監生 有傳</small>	李寶 <small>繁峙舉人 居官寬惠</small>	王和 <small>遷安進士 陸御史見 漏澤園記</small>	林貴 <small>南海進士 有清譽 陸監察御史</small>
李伸 <small>東安舉人 有傳</small>	高翔 <small>管河主簿</small>	夏忠 <small>管河主簿</small>	羅富 <small>綿州監生 由主簿陞縣丞</small>	黃玠 <small>金溪監生 管河主簿</small>		閻恒 <small>河間監生 管河主簿</small>
劉瑤 <small>泰和人</small>	張鑛 <small>遷安舉人 贊修學校 勤敷教化</small>	李佐 <small>代州人</small>	張禎 <small>順昌人</small>		陳政 <small>山西人</small>	
	黃玉 <small>羅山舉人</small>			王昉 <small>會稽舉人</small>		王凱 <small>應山舉人</small>
陶鎔 <small>英山人</small>			陳紀 <small>固安人</small>	杜銘 <small>文安人</small>	勞俊 <small>湖口人</small>	程寰 <small>歙縣人</small>

杜榮 應州進士 稱廉敏陞 太僕寺丞

張景懷 鎮源監 生管河 主簿

潘廣 直隸人

李瓚 南陽人

王玉 盧龍監生 任內修學 有功

朱英 保定監 生管河 主簿

方璽 徐姚舉 人博學 愛士

劉譽 光州人

弘治七年 王 玉 盧龍監生 任內修學 有功

梁梅 鄆州監 生任縣 川知縣

方璽 徐姚舉 人博學 愛士

劉譽 光州人

八年 李 曼 襄城舉人

湯鏜 慈溪人

王景福 清河人

十年 瞿鑑 鹽城舉人 任內修葺 學校

周維善 巢縣監 生任縣 承

馮俊 嘉興舉 人有傳

王翼 易州舉人 經術湛深

王維 大城監 生任縣 承

郭魏 開州監 生以上 任差年 次失考

李良 永年人

正德元年 李進 河南獲嘉 人方直 不詭

徐宸 新野監 生任縣 承

程直 隰縣人

三年 張智 河南延津 監生

張鵬 隴西監 生任縣 承

方珍 廬陵人

六年

傅銓
桂林舉人

九年

孟正
棗強舉人 政尚嚴峻 卒致獲譴

許泰
陝西人 縣丞

朱蘭
唐縣人

十年

王廣
蒲縣監 生管河 主簿

劉福
廬陵人

田經
澤州舉人

龐聰
南陽人

十一年

薛潮
江蘇崑山舉人

張魯
輝縣監 生管河 主簿

葉尙德
分宜貢生

耿昂
任縣人

嘉靖元年

鄭焄
直隸任邱監生

王浦
監生任主簿

魏經

張伸
藁城歲貢

楊通
臨城人

五年

王良輔
直隸懷來舉人居官 慈惠

鄧德弘
監生任主簿

趙忠彥

吳尙廉
歙縣貢生

何思明
河南人

十一年

辛譽
監生任主簿

王慶餘
鳳陽貢生

呂寰
平定人

十二年

曹琪
江蘇儀徵舉人任廉直無私

王浦
由主簿陞縣丞

年十五

李鵬

秦時 鄧州貢生

閻璋 新樂人

年十六

傅堯臣 永清舉人 為政不纖

弋之綱 縣丞在 任御水 有功

姚詹 貢生

李秀 臨淮人

年十八

劉欽 任縣丞

伍三策 小鄉貢生

葉華 邳州人

年二十

吳宏

李鉷 保定監 生任主簿

胡文祿 汝審人 任主簿

年二十

戚濟 安徽宣城 舉人長於 文學

丁守謨 吏員任 縣丞

雷曉

金廷桂 華亭貢 生博學 能文

趙廷松 雞澤人性 剛直無私

年二十四

李時叙 錦衣衛監 生在任崇 學築堤

曹廣

胡清 歙縣貢 生

王翔鳳 保定人

年二十五

曹應時 陝西葭 州人任 主簿

二十七年

韓大用
肥鄉監丞生任縣

袁端
洛陽監生任主簿

三十年

徐行
祥符舉人由縣任陞青州同知

竇二桂
監生任縣丞

曾衍

蔡天應
饒陽舉人邃於禮學

林篋
臨海人性平易工詩

三十四年

史官
洛陽進士釐剔積弊陸御史

劉禮
監生縣丞不慕容利

徐民望
晉安舉人

楊一鶚
鄆都人清勤有孝名

三十五年

吳若雍

三十七年

陰秉暘
汲縣進士為政清簡有傳

趙鐘
鹿邑監生任縣丞

莊紇
湖廣貢生敦樸老成

蔚玠
肅寧人

三十九年

項由
吏員任縣丞

曹廷詔
陝西甘泉人

陽柳
東明監生任主簿

孫麟
以上八員籍貫失考

高璧
金壇貢生

胡尙禮 甘泉人

四十一年 趙科 江蘇句容人 崇儒

四十三年 苻載 河南內鄉人

四十三年 張鈇 肅寧人 剛

四十三年 孫確 清河縣人

四十五年 馬溢 直隸蔚州人

隆慶元年 王杜 陳州監生 築堤有功

三年 高自新 直隸獲鹿人 進士有傳

張辰 太原貢生

李有時 浮山恩貢 後陞縣丞

蔡銳 上元舉人 遂於數學

胡遵德 永年貢生 學遂誼篤

姜洲 高郵監生 任主簿

牛繼光 壺關貢生

霍維棟 山西曲州人 任主簿

張玳 肅寧人

四年

李緒
獻縣貢生

劉克敬
陳留貢生

六年

浦連珠
無錫人
任主簿
修城築堤

周宗會
永豐人

江如練
即墨貢生

萬歷元年

李冲奎
直隸欒城
進士任內
創修縣志

二年

倪瑒
浙江鄞縣
縣丞任

徐壽昌
泰州貢生
任主簿

李邦寓
豐城人

趙邦治
東光貢生

三年

傅樸
河南洧川
舉人

戴銘
蒙城例
貢任主簿

徐孟言
河南拓城
貢生

四年

徐子器
浙江東陽
進士

五年

普觀光
山西垣曲
縣丞
恩貢

趙志滿
蘭谿人
任主簿

李有時
山西浮
山恩貢
縣丞

卓祿
沛縣例
貢任主
簿

丁士選
錢塘人

秦希哲
太原貢
生

王蒙
商河貢
生

王國弼
河南祥符
舉人

陳景福
直隸通州
舉人

許恩
山西絳州
舉人有風
節善折獄

楊繼先
直隸定興
進士

趙汝弼
直隸高邑
拔貢

黃錫
任主簿

王民皞

孔承季

甘上達

石生雲

六年
姚文炳
浙江仁和
舉人

七年

八年
王國弼
河南祥符
舉人

十年

十六年
許恩
山西絳州
舉人有風
節善折獄

十八年
楊繼先
直隸定興
進士

二十一年
趙汝弼
直隸高邑
拔貢

二十二年 金德光 安徽建德拔貢

二十七年 章元衡 甘肅華亭進士

三十一年 王希龍 山西醇縣舉人

三十四年 王以仁 陝西寧光舉人創設惠民藥局

三十八年 吳俊 陝西鳳翔舉人明敏有為

四十二年 牛光先 直隸寧晉舉人

四十四年 蔡攀龍 河南睢州舉人

四十七年 楊于國 山西陽曲舉人廉靜不苟

魏可教 汝上舉人

熊一魁 湖廣人

蔣富春 全州舉人

寧逢堯 大同人

楊見龍 廣東舉人

么士貴 元氏人

朱豫亨 河間歲貢

王恒言 慈谿舉人

天啓二年 翟化儒 直隸東鹿舉人陸秦安州知州

王子泰 陝西人

六年 張 腴 直隸趙州舉人陸松江府同知

馬承佑 安東歲貢

崇禎三年 張 星 安徽宣城拔貢陸河間府同知

何從康 華州人

王遇我 黃縣人

七年 魏國卿 陝西華州舉人

李以謙 濟寧人

十年 李根深 宛平舉人陸同知

李增祿 曲沃人任主簿

楊文燦 鉅鹿人

尹牧民 濟寧人

十三年 晉調元 陝西長安舉人有傳

李 儼 保定人任主簿

郭文魁 大興人

十五年

十六年

程鵬雲 廣西舉人

余名鯤 霍邱歲貢

清
順治元年

高珍
直隸南宮歲貢生

阮士易

涂高
遼東歲貢

三年
程瑾
遼東杏山茂才有傳

王廷謨
宛平人

劉允升
遼東人

五年
劉茂先
遼東復州茂才治盜愛民

喻民樂
湖廣人

孫令祚
萊陽歲貢

十年

楊振
義烏人

金清

閻應震
魚臺歲貢

十一年
程啟運
山河衛茂才

韓萬程
青城歲貢

十三年
孫雲錦
四川成都舉人

十六年

陳景星

賈文燾
暉盛舉人

張于鼎
商河歲貢

十七年
王躬贊
直隸河間舉人

康熙
元年

王 金
宜城人

劉秉和
平原歲貢

四年

萬國讓
江西人

六年

鄭先民
湖北潛江
進士續修
縣志有傳

九年

王 詔
山陰人

馬泰徵
濟寧歲貢

十三年

王中興
濱州歲貢

十五年

陳文學
滿州人有
傳

十九年

潘從哲
大興人愛
民禮上後
寄居馬頭
有傳

丁國斌
山陰人

馬乾龍
德州歲
貢

二十年

郎國楨
滿州人有
傳

二十一年	二十六年	二十七年	二十八年	三十一年	三十三年	三十三年	三十六年
	吳宗程 <small>河南寶豐人</small>		何志崇 <small>湖廣舉人</small>	汪澤遠 <small>湖北江夏監生</small>	錢瑣 <small>江蘇常熟舉人有傳</small>		白爲懿 <small>滿州人</small>
					賀私源 <small>大興人</small>		
		鄭國彜 <small>祁州人</small>			別奇珍 <small>富平人</small>		
李瑣 <small>長山歲貢</small>					呂心佐 <small>鉅野歲貢有傳</small>		
岳鑄 <small>壽張歲貢</small>	孫織錦 <small>德州歲貢</small>			王鶴生 <small>靈山衛歲貢</small>			何婁光 <small>新城歲貢有傳</small>

四十一年
陳冕
江西鄱陽進士有傳

四十二年

徐宗文
上虞人

四十五年

戴宮
山陽人

王運隆
德平歲貢

四十六年

何雯
漢軍旗人

四十七年

高錕
直隸盧龍歲貢有傳

朱之璉
單縣歲貢

朱士章
魚臺歲貢

四十八年

蘇長泳
宿遷人

陳承祖
德州歲貢有傳

鄭士震
汶上歲貢有傳

四十八年

楊一正
陝西武功恩貢有傳

陳右曾
宛平人

雍正三年

趙知希
安徽涇縣舉人草續縣志有傳

姚鉞
五月任

于光祖
文登舉人

六年 顧濂 浙江石門進士署缺

七年 馮銳 四川梁山舉人署缺

八年 李謙祥 河南武安人署缺

曹纘 貴州施秉副貢繼纘縣志有傳

九年

吳文全 七月任

劉珂 八月任

孫銓 寧海歲貢

黃寶樹 十二月任

陸琦 十月任

十年 吳兆松 福建連城舉人署缺

十一年 謝士柱 湖北沔陽舉人署缺

劉永鐸 二月任

張曙 萊蕪歲貢

年 十二		<p>王汝勵 任 十二月</p>	<p>楊山立 山陽人 七月任</p>	<p>黃世爵 大興人 三月任</p>	
年 十三	<p>阮汝暉 順天大興 進士有傳</p>				
	<p>張興宗 浙江鄞縣 監生由堂 邑署館陶 續志告成</p>				
乾隆 元年	<p>李希賢 四川長壽 拔貢</p>				
五年	<p>宋文錦 漢軍鑲紅 旗人</p>				
六年	<p>郭棟 直隸滿城 舉人</p>				
七年	<p>張廷瑚 安徽桐城 附貢生</p>				

陳振甲
陝西蒲城
拔貢

十四年
袁立中
河南睢州人

十八年
普爾泰
滿州正紅旗舉人
修紅橋梁道路

二十三年
來益清
浙江蕭山進士
有傳

二十五年
張顧鑑
四川遂寧附貢生

三十四年
方汝謙
順天通州進士

三十六年
陳培敬
廣西全州舉人

四十四年
沈貽孫
江南句容進士

四十 五年
富爾遜
滿州正藍
旗舉人

四十 八年
馬照藜
順天大興
舉人

三十 五年
陳蘭徵
浙江嘉善
舉人

六十 年
王 幹
河南盧氏
人

嘉慶 五年
吳鍾岳
江西高安
舉人

道光 五年
張 琦
江蘇陽湖
舉人有傳

十一 年
張 恪
直隸南皮
舉人崇文
學修書院

二十 六年
葉圭書
直隸滄州
舉人

二十七年 張應祥 湖北鍾祥人有傳

二十八年 陳顯彝 原籍浙江 寄居順天 有傳

咸豐八年 彭啓昆 江西南昌 舉人

九年 梁文鈺 湖南湘潭 拔貢 有傳

十一年 李清林 河南淇縣 人

十七年 黃初 原籍浙江 寄居順天

同治元年 湯履中 順天宛平 縣人有傳

三年 耿光祐 四川隆昌 舉人有傳

四年 鮑瑞駿 安徽舉人

九年 尹煥章 直隸博野進士

十年 倉爾爽 河南中牟縣人有傳

李錦樹 河南延津監生

十一年

何其修 江蘇上元監生

趙樹葵 兗州恩貢

光緒元年

胡本清 武定舉人

十年 孫符乾 河南固始舉人有傳

十一年

郭紹庭 河南密縣監生

程耀來 江蘇陽湖監生

十二年

恭 曾 內務府鑲黃旗人

十三
年
彭元照
安徽桐城
優貢有傳

十七
年
沈廷翰
江蘇吳縣
人署缺

十九
年
劉家善
江蘇六合
縣人重刊
縣志

王佳鴻
福建駐防
舉人署缺

二十
年
鄭德立
順天大興
監生修衛
河兩岸堤

二十
三年

二十
五年

二十
八年

向植
湖北沔陽
舉人有傳

常三有
歷城歲貢

王學益
新泰拔
貢

趙燦廷

傅駿聲
舉人

蘇宗柱
直隸故城文
生有吏才嘗
代正堂鞫案
人無遁情

高駿聲
歷城優貢

王鎬
新城舉
人

李之青
青州舉
人

張軒

三十一年
韓作霖
浙江錢塘
代理知縣

韓瑋森

徐壽彭
順天東安
署缺

三十一年
方桂芬
安徽定遠
署缺

徐 沅
江蘇吳縣
舉人署缺

三十三年
盛津頤
江蘇武進
署缺

章頌聲

三十四年
孫方墜
安徽壽州
署缺督修
鄉土志

張振翮
舉人

宣統元年
周尙鏞
四川人署
知縣

趙恩浙
署缺

二年
白璞臣
直隸獻縣
人署知縣

安定臣

三年 郝崇照 直隸三河人署知縣

民國職官表 錄檔冊

年職 代	縣長	籍貫暨 到任月日	年職 代	警官	任職月分 暨經歷	年職 代	管財政	任職月分 暨經歷
---------	----	-------------	---------	----	-------------	---------	-----	-------------

元年	黃韓鼎	浙江進士三月六日任	元年	李文祥	是年巡警局改為警察事務所前區官改稱警佐以該員充任	十二年	杜廣成	是年一月設立地方財政管理員該員充管理
----	-----	-----------	----	-----	--------------------------	-----	-----	--------------------

二年	李肇慶	山東益都人八月三日任	二年	劉子元	充警佐在任六年		郭子嵐	任董事
----	-----	------------	----	-----	---------	--	-----	-----

三年	沈懋祺	五月二十九日任	八年	吳鍾嶽	充警佐在任六年		張文翰	任董事
----	-----	---------	----	-----	---------	--	-----	-----

五年	沈瀉祺	五月十日代理	十四年	丁垣圭	充警佐在任二年	十七年	張鸞芹	七月改委員制充委員三人該員
----	-----	--------	-----	-----	---------	-----	-----	---------------

簡陽縣志

	李書田	直隸棗強人十一月三日任	十六年	史清宸	是年警備隊併為警察所改警佐為所長以該員充任		樊紹業	充委員
八年	管祖式	江寧人二月二十二日任					張丕綱	充委員
十五年	李秉超	山東諸城人十月十七日任	十七年	張欽安	是年七月改為公安局以該員任局長	十九年	張鸞芹	是年改為財政局該員充局長
十七年	汪燦	五月七日接署		宋天名	十一月任	二十年	李逢暉	是年十一月以該員代理
	胡銘鑑	五月十八日接署	十八年	朱尙義	七月任	廿一年	霍瑞雨	於一月接任局長
	余維濤	六月二十一日接署	十九年	趙峻巖	六月任		張青箱	二月接任局長改為第三科該員充科長
	紀桂芬	八月十一日接署		何寶華	九月任			
	鄧喆	四月二十六日接署		薛鳳友	十二月任			

十九年	蘇國棟	七月二日接署	二十年	吳天錫	七月任
何鍾傑	五月二十四日接署	廿一年	倪文德	二月任	
劉玉珂	五月二十四日接署	廿二年	楊雨賢	八月任	
劉廷賓	六月八日接署	廿四年	丁汝翼	六月任	
王克敏	十月八日接署				
盧少泉	河北清宛人十月十五日任				
廿二年	丁世恭	山東平陰人十二月二日任			
廿五年	王華安	河南杞縣人二月十三日任			

		年職 代務		年職 代務		年職 代務	
廿一年	二十年	十九年	十七年			九年	建設
王士新	王金芝	張奉信	楊景時			韓繼周	任職月分 暨經歷
		十二月任	十二月接任在 職二年	連任八年	改實業局長十 七年十一月改 建設局長該員	是年四月成勸 業所該員任所 長十四年十月	
十四年				三年	二年	元年	年職 代務
郝介眉				宋繼昌	張青箱	馬魯泉	教育
接任局長		育局該員充局 長前後任職十 一年	該員充任五年 復改爲勸學所 十二年改爲教	是年改勸學所 爲視學所所長 改爲縣視學以	接任所長	是年興學機關 爲勸學所該員 充所長	任職月分 暨經歷
廿四年	廿二年	廿一年	十九年	十八年	十七年	元年	年職 代務
喬松齡	王雄飛	彭志勛	李蔭渠	柴丙陽	張源清	柴丙陽	管獄
任	任	任	接任	復任前後任職 十七年	接任管獄員	廢典史爲管獄 員以該員充任	任職月分 暨經歷

廿二年	單連捷	是年一月改第四科該員充科長
二十年	郝寶善	接任局長二十年改爲第五科該員充科長
	白書芬	現任

廿四年	王育英	三月接任
-----	-----	------

二政績

茲將本縣歷代正佐各官政績列述於左

(隋)

魏德深鉅鹿人初爲文帝挽郎以能遷貴鄉長爲政清靜不嚴而肅尋轉館陶長貴鄉吏民送之號泣之聲不絕於道旣至館陶老幼皆如見父母有猾人員外郎趙君實與郡丞元寶藏相交結前後令長未有不受其指麾者自德深至縣君實屏處於室未敢出門貴鄉父老詣闕請留德深有詔許之仍蒞貴鄉館陶闔境悲啼因從而徙居者數百家

劉仁恩開皇初爲毛州刺史倜儻有文武才治績號天下第一召

爲刑部尙書

韋壽字世齡杜陵人孝寬子開皇九年任毛州刺史頗有治名

(宋)

查道字湛然休甯人端拱初舉進士高第解褐館陶尉曹彬鎮徐州辟爲從事深被禮遇寇準薦其才授著作佐郎淳化中徙知果州時賊黨尙伏巖谷中詔書招諭未下咸請發兵殄之道微服單騎直趨賊所初悉驚畏持滿外嚮道神色自若踞胡床而坐諭以詔意或識之曰郡守也嘗聞其仁是甯害我者即相率投兵羅拜號呼請罪悉給券歸農

劉筠字子儀大名人舉進士眞宗時爲館陶尉臨事明達治尙

簡嚴會詔知制誥楊億試選入校太清樓書擢筠第一嘗預修圖經及冊府元龜推爲精敏初爲楊識拔後與齊名時號楊劉累官集賢院學士凡三入禁林三典貢部以策論升降天下士自筠始

宗 澤字汝霖兩浙義烏人舉元祐六年進士哲宗時授館陶尉適朝廷大開御河方隆冬役夫僵仆於道中使督之急澤乃上書於帥以時方凝寒徒苦民而功未易集少須之至春初可不擾而辦帥用其言以聞上從之後高宗授東京留守屢欲建功爲汪黃所沮憂憤成疾疽發於背諸將入問疾澤瞿然曰吾以二帝蒙塵至此汝等能殲敵則我死無恨衆皆流涕翌日風雨

書晦澤無一語及家事但連呼過河者三而薨

陳過庭字賓王山陰人徽宗時爲館陶主簿有能名

(金)

王庭筠字子端河東人登大定十六年進士第調恩州軍事判官
臨政有聲郡民聊四者謀爲不軌事覺逮捕千餘人四竄匿不
能得朝廷遣大理司直王仲軻治其獄庭筠以計獲四分別註
誤坐預謀者十二人而已再調館陶主簿明昌元年召庭筠試
館職中選遂罷

(元)

張之綱館陶人元帥弼之子美風儀足材行歷仕有聲由館陶簿

陞爲尹以最擢東平路鎮撫博州防禦使

溫仲謙大德六年授館陶尹以德化民嘗行畎畝禾有一莖六穗者民以爲異立嘉禾碑

李藻字子潔潁川人順帝時爲館陶尹民相訟召兩造諭以禮讓往往悔謝去先是縣民輸稅爲攬納者所困藻爲嚴禁河溢堤決督丁夫塞之又上章乞蠲租罷稅市綾二千餘疋上官行縣咸嘉嘆移疑獄鞫之前後以十數後病歸民泣留滿道

沈瑀爲館陶尹民一丁課種桑五十株及棗栗等樹久之成林民享其利思之不忘著有政說一篇

(明)

傳信之洪武初知館陶縣草昧經營人思其功

溫 良陽曲人永樂三年任館陶訓導作人有方陞教諭

李 仲東安人舉人宣德間任館陶教諭經明行修每升坐諸生
以次論難善爲剖析疑滯士論翕服陞國子監助教

唐 禎字廷瑞金州人監生天順間知館陶縣蒞政明敏吏民兢
兢奉法代者李寶繼以寬厚

馮 俊嘉興人舉人弘治間任館陶縣教諭訓戒有方陞獲嘉縣
知縣

陰秉陽汲縣人進士嘉靖間由御史謫知館陶縣善談名理召諸
生論經義娓娓不倦居官清簡省罰簿征歷陝西參議歸居衛

水之濱絕跡公府所著有史綱心見四書疏義等書

高自新字本澄獲鹿人進士隆慶初知館陶縣天性莊嚴嘖笑不苟愛百姓如子三年歲稔民和訟庭闐寂日讀書彈琴課奏第一累官知府以直方忤時屢起屢蹶所至民見德

晉調元字淑君陝西長安人崇禎間由孝廉令館陶會歲大稔捐俸煮粥民賴以全活者衆旋癘疫流行民相繼死亡去故籍大半公清審編戶凡田地荒蕪者悉除其租民大悅壬午清兵克清淵遂抵館陶城下公號令嚴明隆禮將士虛懷諮訪深得人心一時丁男悉登陴堅守婦女遞運磚石經久不渝城賴以全既平親持酒脯犒士事上聞議優敘尋卒士民建祠祀之祠在

南館陶渡口西

(清)

程 瑾遼東杏山人順治初令館陶敷政一新時寇盜竊發身先督禦民賴保障擢陞金華知府赴任遇寇蹈白刃死事上聞贈山東按察司副使縣民建祠祀之祠在縣後街

鄭先民湖北潛江人以進士於康熙六年知館陶縣蒞任嚴明弊絕風清遇人以誠不以術民有敦本力農者欣然嘉勞之課土手定甲乙以示激勸值歲旱步禱郊原請蠲請賑全活甚多平徭役減鹽引申飭保甲修理學宮邑志久殘集士紳修輯甚詳及陞任去邑人爲建去思碑

陳文學滿州人廉潔正直催科中寓撫字鞭扑不施民咸感之輸納恐後優禮士子在任五年政簡刑清士民樂業以卓異陞西城御史

郎國楨滿州旗人康熙二十年任館陶悉心清賦務得平允按里均地因人均牌而賦役以正行之永久奉爲成規

潘從哲大興縣人任主簿効力河工克稱厥職修築堅固上利漕艘下無民害後遷嘉定遷太原署守備任勤勞王事數十年盡心報國始終如一雍正二年陞湖廣長陽縣知縣年老不就卜居河西馬頭村優游林下與劉子廷瓚爲忘年交鄉中大小事悉爲經理雖農夫園丁婦人孺子皆頌其德爲輿情推重

錢 瓚字珙美江蘇常熟舉人三十一年知館陶廉潔明敏遇事
洞中窾要有不便於民者必指陳利害力請當道去之公務旁
午往往割俸調度額外無苛徵以行取陞戶部貴州司主事

陳 冕字宜韋江西鄱陽進士四十一年蒞館陶在任整頓學校
督課士子手自丹鉛編民不擾水災勘賑必實值旱禱雨輒應
在任四載士民頌德

高 錕字銳菴直隸盧龍貢生四十七年知館陶甫下車適逢荒
歉請上賑恤捐俸以助值漳河汎濫徙離逃竄者多請於上官
發帑賑之清河築堤出倉粟以食飢民民賴以安尤加意課士
士之翹然傑出者皆其所造就云

楊一正字在湄陝西武功恩貢五十八年任館陶歲祲請賑恤且募富戶出借約以官爲債償民賴以存活者多又請豁沙壓地賦以紓民力置義塚以收瘞暴骨露齒擒治積棍有能聲雍正初以閩省吏治積玩詔各省督撫舉其屬之能者東撫塞公以一正應因調閩所至稱治內擢部曹

趙知希安徽涇縣舉人雍正三年任館陶減孝平二里沙地額賦又於城南栽官柳萬株爲堤岸之備

曹 纓雲南施秉副貢雍正八年任館陶冬月捐衣施粥惠及熒獨於宋庄等村築堤三百餘丈以防衛水人民利賴

阮汝暉順天大興進士雍正十三年任館陶履勘荒地給以資本

窮黎皆霑實恩

呂心佐鉅野人任教諭才高學博課士捐俸供饌每月不怠修葺聖廟不入浮屠老子之宮有古大儒風績纂縣志其功尤多

何婁光字木齋任訓導學深養遂新城宿儒也四書經文揣摩數百篇數奇未遇齊河王太守族孫何世基皆出其門官囊空乏與教諭呂心佐捐俸課士不輟遇事敢言絕不阿比人稱爲古君子云

陳承祖德州人任教諭賦性醇樸教士先器識而後文藝入其門者如坐春風年饑代縣令放賑實惠均沾工詩精法帖爲士子所式

鄭士震字慎修汝上人任訓導存心嚴肅舉止端凝處事一守先民矩矱言行不苟教人以誠堪爲學者模範

來益清字企岳浙江蕭山進士乾隆二十三年任館陶知縣甫下車值河水暴發躬率民夫增高堤埝捐俸設立書院延師課士成造多通林

張琦字翰風江蘇陽湖舉人道光三年歷宰鄒平章邱等縣五年蒞館陶會天久旱風霾三日夜飛沙壓麥皆枯民大懼乃虔禱龍王廟得大雨因請賑造戶口冊視鄰邑爲多大吏呵之適奉詔責問歲饑狀甚切按臨災區惟館陶報得實因厚慰之旣而鄰邑蝗起蔽天毗館陶處若或界之無闌入者先是宰章邱

蝗不入境陶人聞之而未信也及是皆詫爲異是年秋大雨雹不毛之地積尺許於秋禾固無害治陶七載歲屢豐縣中向無良醫民多夭札公憫之設惠民局命族子賜司其事見病者卽爲診治全活無算十二年三月十二日卒於官年七十公少工詩文與兄編修惠言齊名輿地學尤精於山川阨塞形勝及古今戰守成敗得失之故瞭如指掌著戰國策釋地二卷素問釋義十二卷古詩錄十二卷文集若干卷事載清循良傳中

張應翔字芸軒湖北鍾祥舉人博學好古道光二十七年署館陶下車清理積案訊斷明允兩月中政平訟理羣號爲神明暇則赴鄉訪問民間疾苦如家人父子聚語一堂遐邇周歷不憚勞

粹城西南西河寨村故有卜子祠正殿三楹圍以短牆強半傾
圯公目覩荒涼慨然以重修自任捐京帑四百緡西河寨紳耆
共襄義舉廟貌巍巍規模益宏敞矣

陳顯彝字秉初浙江山陰人道光二十七年蒞館陶洞達民隱善
獎士類捐廉三千緡入書院生息儲備士子膏伙後以賢保升
登萊青道孫冕光緒癸未狀元

湯履忠字載生祖籍江蘇寄籍順天宛平同治元年正月署館陶
下車伊始正教匪猖獗之時城邑雖復戶口未完衙署倉庫都
付一炬寇警日深大兵雲集士民避難者填塞城中公剛正廉
明不避艱險盡心保護內決防寇之策外籌犒軍之費雖客兵

騷擾驕將迫脅終不爲動而邑賴以安親王僧格林沁督師過境公往謁蒙獎東省循吏第一積勞致疾同治三年三月初五日因公赴郡遽歿旅次民間凶耗如喪所親

倉爾爽字雋臣河南中牟縣人同治十年四月蒞館陶愛民如子遇有訟者發覆摘奸如神時文廟傾圮督士紳重修之煥然一新城東北汪堤附近有長順溝一道上受舊沙河之水下注於衛河值夏秋之交河水漲發輒倒漾爲害公督民夫修閘一座河水高則閉閘以防外溢溝水多則啟閘以洩外水數十年猶賴其利公能酒去陶之日鄉父老持酒送行者絡繹不絕肩輿在道日仄尙未出境官民依戀多墜淚者

孫符乾字健菴河南固始縣舉人儀容端凝秉性清正光緒十年二月蒞館陶素讀相人書嘗曰他人之相者相其貌不能相其心不能相其心由於不能相其神神不可見於色見之折獄所以貴色聽也每坐堂先閱其狀而後觀其色復詳審其氣發覆摘奸是非曲直無少遁人皆服其術之精而不知中有至理公天直爛漫遇事一秉至公人不敢欺亦不能欺古人所謂吏行冰上者公其有焉

彭元照字朗清安徽桐城優貢光緒十三年正月蒞館陶以書院改試院捐廉四百緡以爲之倡於是紳民爭輸巨款鳩工庀材添考棚增號舍器具一切燦然大備課士勤懇待人寬和即農

工商賈亦無不感恩戴德頌慈父母焉

向植字篤生湖北沔陽舉人歷官有政聲光緒二十九年自曲阜蒞館陶時事多艱地方不靖下車後周諮民間利弊嚴治盜匪復請於大吏撥防營扼要駐紮境賴以安整頓漕制補偏剔弊至今民猶頌之創立蒙小學堂開辦工藝局籌設自新所以及購書種樹俱有成效嘗祈雨祈雪祈晴有求輒應是循吏中之福星矣

方桂芬字子嘉安徽定遠縣人光緒三十二年蒞館陶年已六十三歲老當益壯精神滿腹其自奉也儉其取民也廉其待士也謙且勤求民隱戴星出入當堂收發清理詞訟慎用刑辟愛民

如子在任未滿一載陞遷竟去紳民愛戴爲製德政匾

(民國)

王慧亭字聰齋益都人民國元年秋以革命功任館陶縣時冠縣悍匪馮西鈞王六鋼火等甫經受撫編爲保安隊分駐寇館兩縣轄域其大部在館城西南社裡堡匪自受撫改編後益縱恣勒索鄉民強迫議事會加餉稍不滿慾輒肆辱罵前縣文懦無如何也接篆伊始先令馮西鈞等來城聽訓蒞場時着軍服帶僕從一人向馮等諭之以義忱之以威馮等戰慄不敢聲當受編匪徒達三千餘名深慮養癰貽患乃狀聞於都督是冬派防營痛剿其患乃熄服官忠勤提倡新政尤力愛紳民若同胞未

管祖式字伯言金陵人清末優貢生民國八年春由觀城蒞館陶
滿二載離任去宦遊鄂省經前湖北督軍王子春派充吏治館
長竟以積勞病歿差次身後蕭條無資歸殯乃浮厝於武昌之
洪山

管祖式字伯言金陵人清末優貢生民國八年春由觀城蒞館陶
時土匪充斥民不聊生乃督各里辦保衛團備械練丁聯防固
圉素饒膽有警則躬督馳剿張蓋前驅先後殲匪擒匪三十餘
名並數派幹警赴北京邢台邯鄲等處迭獲匪首孔向瑤馮得
山瞎永通張五羣等十三人解訊正法人心稱快鞫案善用離
參法先以溫語譬曉任其陳說得間則片言摘伏人無遁情庚
申歲饑蠲租請賑並遣紳董赴鄂謁王上將軍措辦平糶糧款

覈實發放使貧民實惠均沾各處協賑亦多是歲饑而不害乙
丑年冬客軍有趙營長者奉其長官命來館陶意圖收槍索款
乃以計應之使其引去全境毫無損失尤善古文詞得桐城派
爲管異之嗣響能吏實儒吏也爲政八年於十五年冬去職



—

三 鄉宦

茲將本籍現代文武各官銜名宦蹟分別敘述於左

(1) 武功 實任團長以上

張俊峯 南館陶鎮人年二十投新建陸軍當兵考入學兵營肄業於功課外習孫武子兵法有胆能堅忍耐勞至清室鼎革已充隊官加守備銜民國元年充陸軍第二師步兵第七團第三營副官二年升補充第十三團第三營營長三年獎給五等文虎章補陸軍步兵少校四年升第六混成旅步兵第二團團長以少校加中校銜因龍山來鳳剿匪有功給四等文虎章補上校加少將銜六年復赴龍山縣剿匪給三等文

虎章七年一月改充陸軍第十八師三十六旅七十一團團長復赴施南來鳳剿匪有功加中將銜八年五月升充第三十六旅旅長九年充鄂西警備右司令十年充征施前敵副指揮肅清施南剿除王天縱胡廷翼等旋調充第二師第四旅旅長十一年一月補中將八月授勳五位十二年任福建閩北鎮守使授鉞威將軍十三年調陸軍第二十四混成旅旅長旋升第三軍軍長兼徐州衛戍司令十四年一月調充淮安關監督其治軍尤以愛民爲主在施南在龍山遇災辦賑民無流亡在閩北辦賑民人視若福星後辭職家居現年

六十歲

劉國全 城西南七十里鴨窩村人幼從師讀書因清末庚子戰後國家銳意興武於光緒二十八年考入北洋參謀處速成武備學堂肄業畢業後選入測繪學堂一年期滿充測繪委員測量直隸輿圖補正軍校光緒三十二年調東三省邊務處督測委員測辦中日交界圖門江一帶邊圖三十四年調回北洋參謀處參謀委員宣統元年調充直隸混成協第一標一營後隊隊官三年調充陸軍第二鎮司令部副官補協參領民國四年調充湖北軍署副官又調充第六混成旅第一團團附又調充湖北軍署衛隊營營長得五等文虎章六年升充湖北陸軍第四團團長得五等嘉禾章八年調陸軍

第二師步兵第五團團長十年代理步兵第三旅旅長補陸軍少將旅又調陸軍部參謀十六年五月委充河北大名縣縣長未任現年五十二歲

張維璽 城西南四十五里南彥寺人爲張安然之次子幼從師受讀因家貧不能竟學乃棄文就武於清宣統元年投入東三省暫編陸軍第四十協當兵挑入隨營學堂肄業二年畢業充本協八十標三營右隊司書生旋調充京衛軍左翼第一團一營一連排長民國二年升本團第二營五連連長三年豫匪白狼竄擾陝西遂赴陝剿匪擴編爲陸軍第十六混成旅挑選精兵編先鋒隊三奉任命爲第一隊長一晝夜追

奔二百里至子午鎮向匪縱擊匪潰竄河南四年入川升本團第二營營長保補陸軍少校是年復辟軍興奉調北上截擊髮軍於豐台萬莊間繼進至京以戰功保補陸軍上校八年命十六旅克復湖南常德分三縱隊向前進擊璽爲中央縱隊不旬日常德克復獎給四等文虎章旋升第三團團長是年復入陝擊走陳樹藩遂進佔西安擴編爲軍第十一師改充二十一旅第二團團長十一年奉調入京因直奉戰保補陸軍少將十三年升第六旅旅長調赴綏遠五原烏蘭腦包助民開懇挖渠實行兵農合一政策到後先開益民渠長五六里又修築由烏蘭至五原縣汽車路長五十餘里又

調赴甘省駐防蘭州籌辦甘肅全省教導團十五年痛擊孔張於狄道繼克隴南肅清逆軍遂爲隴南鎮守使擴編所部爲第十三師繼改編第十三路充十三路總指揮十六年蠲除隴南烟稅至二百萬之多並捐款萬元創設道德會圖書閱報社一所貧民孤兒院一所並銷除民衆納糧斗底積習是年移軍北代調回西安奉委充西安警備司令肅清逆匪蘇老九等十七年改編爲第十三軍開赴道口參戰北伐告成擴編爲第六方面軍旋開赴陝西之鳳翔銷平黨拐子之亂是年十月移防漢中協助農民開路種田民人無牲畜者許借用機礮各部騾馬耕種時陝西連年荒旱捐助慈善會

稻米五十石作爲冬季賑恤並將西安留守之舊棉衣萬套盡以分給貧民陝南民智未開乃設圖書館於漢台捐款八千元爲館中經費十九年馮總司令與中央政見不合至以兵戎接讎璽任南路軍總司令兼第一路總指揮在河南經戰半載卒以經濟不支大軍退回黃河以北璽將所部交中央改編任命爲國民政府軍事參議院參議乃解甲歸里

范奪魁 字築先南彥寺人北洋軍官講武堂畢業民國元年充陸軍第四師礮兵連長洊升營長師參謀長團長旅長補陸軍少將加中將銜歷任執政府諮議山東省政府參議兼理沂水縣縣長第三路總指揮部軍法官二十二年任黃河南

會 附 錄 一
岸濟寧嘉祥鉅野鄆城鄆城荷澤曹縣單縣定陶城武十縣
水災查放委員現任臨沂縣縣長

王玉堂 南館陶鎮人民國三年考入湖北學兵營肄業以優等
畢業六年在北京模範團第二期畢業送回湖北十年二月
在湖北學兵營學員連畢業充十八混成旅二團四連排長
十二年四川龍泉驛之戰充奮勇隊長事平升本團三連連
長十五年擴編第二十六師升一百零三團一營營副十六
年春在河南解決樊鍾秀帶全師奮勇隊搶佔鄧縣有功升
本營營長是年六月升本師一百零一團團長十七年營制
改編充二十七旅旅副十九年九月在旅副任內參加平津

討逆之役二十年五月改編獨立第十八旅仍充旅副是年七月參加保定討石之役二十二年二月改編第一百十八師充副師長參加抗日戰役二十三年九月入廬山軍官訓練班期滿回平現正供差副師長

史澤南 史家莊人民國四年投效陸軍第二師補充第六團二營副兵考入學兵營二年畢業洊升排長歷由連長營長升陸軍十五師五十五團少將團長津浦路港務處處長後充革命第九軍參議署河南西平縣縣長

王篤恭 城南薛莊人民初投效北洋陸軍第十六混成旅當兵以資勞迭升排長連長營長等差十六年升充第二集團軍

鋼甲車第一團團長兼少將副司令現辭差家居

吳夢嶺 城西北吳莊人民國四年投入行伍練習砲科由排長
連長營長洊升陸軍第十六師砲兵團團長國民革命第四
集團軍獨立第八師砲兵團團長國民革命第八方面軍獨
立第十八師砲兵團團長現辭職家居

張維德 南彥寺人陸軍第一師步兵第二旅第四團團長

崔振東 北董固人幼入小學讀五經四書能會其旨以章句不

能救國乃決志從戎民國十年投陸軍第一師當兵旋入奉
天陸軍軍士教導隊十二年升陸軍第二軍衛隊團一營二
連司務長歷升連附連長十五年升陸軍第四軍特務團第

三營營長十六年升陸軍第一軍第三師步五團團長時年二十三歲十七年春改第一軍爲第十七軍在蓬萊一帶解決黃鳳岐等十八年冬第十七軍改編爲陸軍第二十一師充本師步六團團長二十一年九月調駐浙江所在受士民歡迎二十二年六月充第八軍少將副官處長旋委充本師第六十一旅第一百二十二團少將團長赴贛東剿匪叠克要隘收復石塘時設難民救濟所並創辦學校建築石城爲地方謀久遠二十三年七月赴廬山受訓期滿回師升本師第六十一旅旅長待人恩威並濟作戰奇正相生嘗於昏夜被圍時令官兵一齊唱歌縱遇伏亦輒從容制勝渠魁方志

敏唐在剛等先後就擒地方獲安現仍供差旅長

2 文秩

實授薦任職以上

李燾延 第二區潘莊人清光緒三十二年由附生鴻臚寺序班
報捐主事籤分工部營繕司三十三年改掣度支部浙江司
副司長民國七年充湖北督軍公署書記官兼白沙洲造紙
廠廠長八年保准薦任職九年充湖北省長公署第一科科
長十年卸事回籍

王繼曾 南館陶鎮人薦任職指分湖北以縣知事任用歷充武
穴漢口徵收權運局局長兼省長公署諮議官得六等嘉禾
章現年七十四歲

劉景略 城西南四十五里大劉莊人佐戎湖北保授簡任職歷

充督軍公署庶務課課長及河南督軍公署軍需課課長

劉國安 東鴨窩人歷充湖北督軍公署高等副官暨庶務課課長以資保授薦任職

么俊生 平村人山東省立高等師範體育專修科畢業民國三

年充山東省立第七中學教員四年投充北洋陸軍第七師

二十八團第一營書記長旋升本團書記官調軍需官十年

充師部書記官十二年充援川軍總司令部秘書長兼充四

川第十四區菸酒局局長十三年署理四川達縣縣長十四

年充陝西警備總司令部軍需處長兼全省禁烟總局會辦

十五年改充暫編第二師軍需處長兼沔略禁烟局局長十八年辭職回籍二十年任本縣第一小學校長二十二年任第二小學校長現在第五科服務

郝逢泰 南拐渠人國務院存記簡任職充財政部秘書陝西全省水利主任兼咸長民生渠工賑處處長

王澤寬 南館陶人以簡任職充總統府衛侍武官

馬獻夫 城東北塔頭人清宣統二年由山東東昌府中學堂畢業

業獎給優貢出身民國二年由山東高等學校正科畢業五年由國立北京大學文科畢業歷充湖北省長公署科員荆南道尹公署科長國民革命軍第二集團軍第二十八師書

記官兼開封警備司令部秘書主任陸軍第二十九軍第三十八師軍需處處長授二等軍需正二十二年九月代理察哈爾省涿鹿縣縣長二十三年十二月保送北平政務整理委員會行政人員訓練所肄業二十四年三月期滿及格調任宣化縣縣長

張維衡 南彥寺人歷充河南全省警務處視察員北京南苑稅務局局長永定門稽核專員綏遠塞北關隆盛莊分關主任五原塞北稅務局長包頭塞北稅務局長甘肅省長公署稽查處長陝西長武縣長長安縣長剿匪總指揮部軍法處長全省菸酒事務總局局長財政委員會委員察哈爾省剿匪

司令部軍法主任兼張家口警備司令部軍法處長尋授赤

城縣縣長

